

FAAFIN



RASMI AH

الرسمية

الجريدة

EE JAMHURIYADDA DIMUQRADICA SOMALIYA

جمهوريّة الصومال الديموقراطية

Sannadka 3aad

Muuqdisho, 1 Abriil 1976

L. 4

Laanta Faafinta Rasmiga ah ee Madaxtooyada Golaha Sare ee Kacanaka

FAAFIN BIL SOO BAXA

جريدة شعبية

QIIMADU: waa 5 shilin lambar waliba — RUKUNKA: Sanadii waa Sh. 100 Somaliya gudeheeda — dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janayo. Qiimaha qoritaanku F.R. halkii sadar iyo waxii ka yar waa 2 laba Sh. — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xafiska Canshuraha ee Wasaaradda Lacagta

KOBNIIN

BOGGA KOOWAAD

S H A R C I

W. M.

BOGGA LABAAD

XEER

XEER MADAXWEYNAYA GOLAHA SARE EE KA-
CAANKA, 18-12-1975, L. 37 — *Fanka Soomaaliyeed.* Bog. 194

XEER WASAARADDA ARRIMAYA GUDAHA, 11-3-1976,
L. 38 — *Magacaabid Guddoomiyeyaa Degmo.* » 206

XERE WASAARADDAGANAGSIGA, 8-4-1976. L. 39 —
Iskaashatada Faleenka ee lagu magacaabo «Garzaaro» » 207

XEER WASAARADDA GANAGSIGA, 8-4-1976, L. 40 —
Iskaashatada Faleenka ee lagu magacaabo «Bila». » 208

Madbacada Dawladda — Muqdisho

BOGGA SEDDAXAD

TALOOYIN ISGARSIIN OGEYSIIS IYO WIXII LA MID AH

WASAARADDA HAWLAHA GUUD, 24-3-1976, Naada Dhul — <i>Maxamed Axmed Colusoow.</i> (48)	» 209
WASAARADDA HAWLAHA GUUD, 29-3-1976, Beddelaad Naada Dhul — <i>Cabdulxamid Sheekh.</i> (49)	» 209
WASAARADDA HAWLAHA GUUD, 31-3-1976, Naada Dhul — <i>Miaaxmed Cartan Ismaciil.</i> (50)	» 210
WASAARADDA HAWLAHA GUUD, 31-3-1976, Naada Dhul — <i>Xuseen Axmed Ilbad.</i> (51)	» 211
WASAARADDA HAWLAHA GUUD, 31-3-1976, Naada Dhul — <i>Guuuleed Cilmi Samantar.</i> (52)	» 212
WASAARADDA HAWLAHA GUUD, 31-3-1976, Naada Dhul — <i>Xuseen Faarax Warsame.</i> (53)	» 213
WASAARADDA HAWLAHA GUUD, 31-3-1976, Naada Dhul — <i>Cali Yuusuf Axmed.</i> (54)	» 214
MAXKAMADDA DEGMADA QARDHO, 21-3-1976 — <i>Lu-mid Aseeyada Lamb. 11.546 Sh. So. 1.727,20, u leyahay Maxamed Faarax Cali.</i> (55)	» 215
SHIRKADDA NUCLEARE SOMALA S.p.A., 1 Abril 1976 — <i>Ogeysiis Isugu Yeerid ah.</i> (L. 56)	» 215
SOCIETA' NUCLEARE SOMALA S.p.A., 1 Aprile 1976 — <i>Avviso di Convocazione di Assemblea.</i> (56)	» 216

BOGGA LABAAD

XEER L. 37 ee 18 Dishembar 1975.

FANKA SOOMAALIYEED.

GUDDOONSHAHAA GOLAHA SARE EE KACAANKA

ISAGOO ARKAY Xaashidii Koowaad iyo tii Labaad ee Kacaanka;

ISAGOO ARKAY Sharciga L. 19 scona baxay 29-6-1967 iyo Sharciyada wax ka baddalaya ee ku saabsan asaasidda Wakaaladda Golaha Murtida iyo Madadaalada;

ISAGOARKAY Sharciga Lamb. 29 taarikhdiisuna ahayd 1-4-1970 kuna saabsan Shaqaalahaa Dawladda iyo kuwa la xiriira ee wax ka bad-dalahaya;

ISAGOO AQQONSAN Baahida loo qabo in la soo saaro sharci ku saabsan Fannaaniinta Qaranka, laguna maamulo shaqooyinkooda fannaanimada;

ISAGOO TIXGELINAYA Taladii uu so jeediyey Xoghayaha Dawladda ee Wasaaradda Warfaafinta iyo Hannuuninta Ummada;

MARKUU ARKAY Go'aankii G.S.K. iyo kan Xoghayayaasha.

WUXUU SOO SAARAYAA

Keerka hoos ku qoran:

Qodobka 1aad

Ku Dhaqmidda Xeerkan

Waxaa lagu dhaqayaa xeerkan qofkasta oo ka tirsan Fannaaniinta lagu sheegay qodobka 3aad laguna meecneeyey qodobka 4aad ee ka mid ah xeerkan, marka uu shaqada Fannaanimada ka bilaabo Wakaaladda Golaha iyo Madadaalada ilaa iyo inta uu ka jiro.

Qodobka 2aad

Ujeedooyinka Fanka Soomaaliyeed

Iyadoo la hirgelinayo Mabaadi'da ku dhisan habka Hantiwadaagga iyo kuwa ku qoran Xaashida 1aad iyo tan Labaad ee Kacaanka iyo iyadoo la tixgelinayo hawlahaa Fannaaniinta, ayey waxay tahay danta laga leeyahay Fanka:

1. In Fanku yahay qalabka lagu muujinayo, laguna tusaaileynayo dhaqanka, taarikhda suugaanta, bulshada, dhaqaalaha iyo siyaasadda, si wadanimo, kacaanimo iyo hantiwadaagnimo ah oo xamaasad, qiiro iyo nabsami ku jirto.
2. In ay fannaaniintu kaalin weyn ka qaataan fidinta Mabaadi'da Hantiwadaagga iyo dhismaha horumarka dalka.
3. In dadweynaha Soomaaliyeed la gaarsiyo murtida iyo madadaa-lada qotada dheer leh ee ku jirta fanka.
4. In fannaaniintu ka dhaadhiciyaan dadweynaha qiimaha iyo qaa-yaha weyn ee ay ku fadhiyaan shaqooyinka fannaanimada, ayna ka saaraan maskaxda bulshada fikradaha mugdiga ah ee horey looga haystay shaqooyinka fannaanimada iyagoo kaashanaya hibadooda, aqoontooda, luuq macaanidooda iyo anshax wanaa-gooda.

Qodobka 3aad

Qaybaha Shaqooyinka Fannaaniinta

Shaqooyinka hadda jira ee fannaaniintu ka qabankaraan Wakaaladda Murtida iyo Madadaalada waxay u kala qaybsamaan sidaan soo socota:

1. MU'ALLIF
2. GABYAA
3. HEESAA
4. JILAA
5. MUUSIQ YEEDIYE
6. FAN HABEEYE
7. CODEEYE
8. CAYAARTOY
9. NAQSHADEEYE

Qodobka 4aad

Macneynta Shaqada Qofka Fannaanka ah

1. MU'ALLIF (hal abuure, fikrad curiye).

Waa indheergarad karti u leh inuu curiyo fikrad cusub oo ku habaysan qaab fan. Fankaas oo ka koobnaan kara maanso (gabay, geeraar, heeso, riwaayad, maad, muusig, iwm.). Fikraddaas oo tilmaamaysa ujeeddo nolol bulsho.

2. GABYAA (Gabay, geeraar, saar, buraanbur, jiifto).

Waa indheergarad hibo u leh inuu curiyo fikrad cusub kagana bogen karo erayaal murti ah oo gaaban oo leh ujeeddo.

3. HEESAA.

Waaqof hibo u leh cod macaan inuu ku qaado erayo taxan oo dadweynaha soo jiita.

4. JILE.

Waa qofka riwaayadaha kala geddisan qayb geli kara karti uu wax ku jilo ama canjilo, dadweynaha raalli gelin kara.

5. MUUSIG-YEEDHIYE.

Waa qofka qalabka muusigga ku tumi-Yeedhin kara codad kala duwan.

6. CODEEYE.

Waa qofka luuqda u samayn kara erayo taxan oo ku habaysan jaanqaad (rythem) u dhandhama hab muusig.

7. FAN HABEEYE.

Waa qofka si qeexan u soo bandhigi kara cayaaro riwaayad (maad ama mu'allif sameeyo, amase koox fannaaniin ahi soo qorshaysay).

8. CAYAATOY.

Waa qofka ku xeeldheer cayaaraha hiddaha, si fiicanna u habayn kara si uu dadweynaha fikrad iyo ujeeddo u dhacsiiyo.

9. NAQSHADEEYE.

Waa qofka masawirka gacanta ku muujiya shucuur nololi ku jirto, danna laga leeyayah.

Qodobka 6aad

Macneynta Riwaayadda (Maadays)

1. Riwaayadda waxaa looga jeedaa sheeko taxan oo la jilo waxayna ka koobnaan kartaa ujeeddo ama ujeeddooyin gaar ah iyadoo tusaalaysa dhaqanka, taarikhda, suugaanta, dhaqaalaha, iyo siyaasadda bulshada, waxaana loo habeeya siyalo kala duwan dadweynaha soo jiida co murti iyo maadba leh.

2. Sheekada taxan ee riwaayaddu waxay ka koobnaan kartaa:

- a) Maansooyin (gabay, geeraar, guurow, jiifto, buraanbur);
- b) Heeso (heeso hawleed, hees cayaareed, heellooyin);
- t) Cayaaro (saar, wiglo, batar, dhaanto, kabeebey, iwm.);
- j) Majaajillo (maad, hadal iyo hawraarba leh);
- x) Tusmo muuqaal (displays).

Qodobka 6aad

Shuruudda gelidda shaqada Fannaanimada

Qof kasta oo ka haya Wakaaladda Golaha Murtida iyo Madadaalada shaqo fan ah, heer kasta ha kaga jiro shaqaadaas uu yaqaan waa in laga helaa shuruudaan:

1. In uu ahaado qof leh tilmaamaha shaqada sida lagu macneeyey qodobka 4aad ee ka mid ah xeerkan.
2. In uu ahaado qof Kacaan ah, oo mabaadi'da Hantiwadaagga ah ee cilmiga ku dhisan aaminsan, kuna dhaqmaya oo ay u dheer tahay wadaninimo.
3. In uusan noqon qof dantiisa ka hor mariya danaha guud ee ummadda Soomaaliyeed isagoo hibadiisa iyo aqoontiisa ka dhiganaya qalabkii u fulin lahaa dantiisa gaarka u ah.
4. In uu yaqaan qoridda iyo akhrista Afka Hooyo.

Qodobka 7aad

Heerka shaqada fanka ah

1. Shaqo kasta oo ka ah shaqooyinka fannaanimada oo ay qabanyaan Fannaaniintu waxay ugu badnaan leedahay saddex heer oo mid kasta kuu ka horeeyo ka sareeyo xagga qiimaynta.

2. Heerarkaasi waxay kala yihiin:

— Heerka Kowaad

» Labaad

» Saddexad

3. Shaqooyinka aan u qaybsameyn saddex heer waxaa u sameeysan hal heer waxayna yihiin:

Fan habeeye oo u dhigno heerka kowaad ragga qiimaynta iyo codeeye, iyo naqshadeeye oo dhigma heerka labaad.

Qodobka 8aad

Heerarka qofka Mu'allifka ah

1. Mu'allifka heerka 1aad galaya waa inuu la yimaadaa Shuruudahan hoos ku qoran:

- a) Waa inuu ahaado qof murtidiisa hadda ka hor la arkay oo la aqoonsaday oo ay meel martay oo ugu yaraan soo bandhigay sedex riwaayadood (maadays);

- b) Waa inuu karti u leeyahay ujeeddo la siiyey inuu ka soo diyaariyo muddo gaaban oo aan badnayn 24 saacadood;
 - t) Waa inuu ahaado qof dhinaca suugaanta aad ugu xeeldheer oo murtidiisa ka ilaaliya afafka shisheeyaha, hirgeliyana murtidii hore u jirtey iyo midda hadda la curiyabá. Ugu yaraan 85% waa inay murtidiisu ahaato Soomaali.
2. Heerka 2aad mu'allifka geli kara waa mu'allifka la yimaadaa tilmaamihii mu'allifka heerka 1aad isagoo kaga duwan tilmaamaha:
- a) Waa inuu ahaado qof murtidiisa hadda ka hor la aqoonsaday oo ay meel martay oo ugu yaraan soo bandhigay laba riwaaya-dood (maadays);
 - b) Waa inuu ahaado qof dhinaca suugaanta aad ugu xeelrheer oo murtidiisa ka ilaaliya afafka shisheeyaha, hirgeliyana murtidii horey u jirtey iyo midda la curiyaba. Ugu yaraan 75% waa inay ahaato murti Sooaamliyed;
 - t) Waa inuu ahaado qof karti u leh inuu ujeeddo la siiyey ku soo diyaariyo waqtí gaaban oon ka badnayn 48 saacadood ama laba maal mood.
3. Mu'allifka heerka 3aad wuxuu kaga duwan yahay kan 2aad tilmaamahan oo kaliya:
- a) Mu'allifka heerka 3aad waa inuu ahaado qof sameeyey hal riwaayad oo qiima gal ah ama 10 heesood;
 - b) Waa inuu karti u leeyahay in ujeeddo la siiyey uu ku soo diyaarin karo ugu yaraan muddo seddex maal mood ah ama 72 saacadood;
 - t) Waa inuu ahaado qof murtidiisu ugu yaraan 65% ku qotonto murtida Soomaalida.

Qodobka 9aad

Heerka Gabyaaga

GABYAA: (gabay, geeraär, guurow, jiifto, buraanbur iwm).

Gabyaaga heerarka koowaad, labaad iyo seddexaad waxa noqon kara qofka la yimaadda afartii qodob ee ka dhaxaysey fannaaniinta oo dhan iyo kuwa hoos ku qoran:

1. Gabyaaga heerka 1aad waa inuu noqdo:
- a) Qof karti u leh inuu muddo gaaben (isla goobtaaba) kaga gabyo amase maansooso ujeeddo la siiyey, oo ku darsaday luuq loo bogo;

- b) Qof kā maasoon kara boqolkiisa siddeetan iyo shan (85%) ujeeddada la siiyey isagoon kaalinta uu ka maansoonayo ka bixin. Waa in 80% ay maansadiisu ahaato mid ah murti Soomaaliyeed;
- t) Qof aftahan ah oo maansoon kara ugu badnaan 45 daqiiqo, ugu yaraanna 15 daqiiqo.
2. Gabyaaga heerka 2aad waa inuu ahaado:
- a) Qof karti u leh inuu muddo gaaban (isla goobtaas) kaga gabyo amase maansoodo ujeeddo la siiyey, oo ku darsaday luuq loo bog;
- b) Qof ka maansoon kara oo 75% ujeeddada la siiyey isagoon ka bixin kaalinta uu ka maansoonayo;
- Waa in 60% ay maansadiisu ahaato murti Soomaaliyeed;
- t) Qof aftahan ah oo maansoon kara muddo ugu badaan 20 daqiiqo, ugu yaraanna 15 daqiiqo.

Qodobka 10aad

Heerarka Heesaaga

1. Heesaaga heerka 1aad waa inuu ahaado:
- a) Qof cod luuq macaan leh oo markuu heesayo, erayada heesta dhegaystayaashu si wacan u maqlī karaan;
- b) Qof raaci kara jaanqaadka muusikada iyo habka codka heesta. Haddii loo baahda waa inuu hees shisheeye ku heesi karo;
- t) Qof heesta uu qaadayo shucuurta ay leedahay muujin kara;
- j) Qof hees kasta oo loo dhiibbo ku xafidi kara, kuna qaadi kara waqtgaaban oo aan ka badnayn 24 saacadood ama habeen iyo maalin;
- x) Heesaa caan ah oo ugu yaraan tobani heesood oo uu qaaday si rasmi ah u hirgaleen.
2. Heesaaga heerka 2aad, waa inuu ahaado:
- a) Qof cod iyo luuq macaan oo markuu heesayo, erayada heesta, ay dhegaystayaashu si wacan u maqlī karaan;
- b) Qof heesta uu qaadayo shucuurta ay leedahay muujin kara;
- t) Qof xafidaadda erayada hees kasta ku dhammayn kara muddo aan ka badnayn 48 saacadood;
- j) Heesaa caan ah oo ugu yaraan toddoba heesood oo uu qaaday ay si rasmi ah u hirgaleen.

3. Heesaaga heerka 3aad waa ahaado:
- a) Qofku xafidi kara erayada hees kasta ugu yaraan seddex maalmood ama 72 saacadood;
 - b) Heesaa caan ah oo shan heesood oo uu qaaday ay meelmareen;
 - c) Heesa aad loo xiiseeyo.

Qodobka 11aad

Heerarka Jilaaga

1. Jilaaga heerka 1aad waa inuu ahaado:
 - a) Qof muujin kara jilidda habboon ee loo diro;
 - b) Qof habka uu wax u jilo mid soo jiidan kara, dadkana u leh ka bogasho ballaadhan;
 - c) Qof sita shahaado Dugsi Fan oo la aqoosan yahay heerkiisa ama leh waaya-aragnimo dheer oo ugu yaraan 7 sano ku eg;
 - d) Qof cod iyo cadba jilidda u jajaban;
 - e) Qof muddo gaaban (inta loo qabto) ku xafidi kara wixii loo dhiibo ama la tuso ee jilid u baahan.
2. Jilaaga heerka 2aad waa inuu ahaado:
 - a) Qof jilidda u leh waaya-aragnimo dheer oo ugu yaraan 5 sano ku eg;
 - b) Qof muddo gaaban ku xafidi kara wixii loo dhiibo ama la tuso ee jilid u baahan (muddada xafidaadda heerka 2aad way ka badnaanaysaa tan loo qabto Jalaaga heerka 1aad).
3. Jilaaga heerka 3aad waa inuu ahaado:
 - a) Qof jilidda waaya-aragnimo u leh oo ugu yaraan 3 sano ka soo shaqeeeyey;
 - b) Muddada jilidda heerkani uu wax ku xafidayo way ka badnaanaysaa tan heerka 2aad.

Qodobka 12aad

Heerarka Muusig-yeedhiyaha

1. Muusig-yeedhiyaha heerka 1aad waa inuu ahaado:
 - a) Qof haysta shahaado Dugsi muusik ama Machad Sare oo la aqoosan yahay ama uu yahay qof waaya-aragnimo dheer leh oo ugu yaraan hawsha Muusikada ka shaqeeeyey muddo aan ka yaran 7 sannadood;

- b) Qof si fiican u tumi kara hal Aalad oo ka mid ah saldhigaya muusikada. Qofkii tumi kara wax ka badan hal aalad oo ka mid ah saldhigaya muusikada waa loo tixgelinayaa;
 - t) Qof karti u leh inay maskaxdiisa iyo qalbigisu daabici karan shanqadha ama cod muusig oo uu maqlay markaaba, ama xusuus dheer u leh inuu tumo 3 heesood oo uu horey u tumay.
2. Muusig-yeedhiyaha heerka 2aad inuu ahaado:
- a) Qof haysta shahaado dugsi Muusig ama Machad Dhexe oo la aqoonsan yahay ama uu yahay qof waaya-aragnimo dheer oo ugu yaraan 5 sannadood ka shaqeeyey hawsha Muusikada;
 - b) Qof karti u leh inay maskaxdiisa iyo qalbigisu daabici karaan shanqadha ama cod muusig oo uu maqlay markaaba, ama xusuus dheer u leh inuu tumo 3 heesood oo uu horey u tumay.
3. Muusig-yeedhiyaha heerka 3aad waa inuu ahaado:
- a) Qof haysta shahaado dugsi Muusig ama Machad Hoose oo la aqoonsan yahay ama waaya-aragnimo u leh oo ugu yaraan 3 sano ka soo shaqeeyey hawsha Muusikada;
 - b) Qof karti u leh inay maskaxdiisa iyo qalbigisu daabici karaan shanqadha ama cod muusig oo uu maqlay markaaba, ama xusuus u leh inuu tumo 2 heesood oo uu horey u tumay.

Qodobka 13aad

Heerarka Codeeyaha

Codeeyaha heerkiiisu waa mid keliya, wuxuuna noqonayaa heerka Labaad, waana inuu ahaado:

- a) Qof astaamaha muusigga qori kara ama leh karti xusuuseed oo uu ku curin karo codka loo baahan yañay;
- b) Qof hibo u leh aragtida iyo saadaasha luuqda ka dhalan karta erayada taxan ee heesta;
- t) Qof khibrad u eh samaynta cadalka ugu yaraan 7 sano ka shaqeeyey;
- j) Qof aqoon fiican u leh hiddaha iyo dhaqanka ummadda, gaar ahaanna codadka iyo cayaarha, kuwaasoo saldhig u ah luuqda heesta.

Qodobka 14aad

Heerka Fan Habeeye (Conductor, organiser)

Fan-habeeyyaha heerkiiisu waa mid keliya, waa heerka koowaad, waa inuu ahaado:

- a) Qof aqoon fiican (mid iuu tababar ku helay ama waaya aragnimo kula yimid) u leh fanka Soomaalida;
- b) Qof dadweynaha u bandhigi kara maaweele loogu soo tala galay isagoo leh:
 - i) geesi aftahimo leh;
 - ii) bulshannimo;
 - iii) dulqaad badan;
 - iv) degdeg u curin kara fikrad fan habayn ah haddii ay qabsato inuu sidaas yeelo;
 - x) habaynta uu sameeyaa tusaalayso shuciurtii la rabay inay fiddo;
 - iv) xalladaynta iyo majaajillada aadu yaqaan;
- t) Jilaa ah oo haddii meel ka dhinnaato butixin kara;
- j) Ugu yaraan yaqaan hal af oo shisheeye.

Qodobka 15aad

Heerarka Cayaartooga

1. Cayaartooga heerka 1aad waa inuu ahaado:
 - a) Qof karti u leh inuu bandhigo-muujiyo cayaarta uu yaqaan oo heer sare ah;
 - b) Qof caafimaad qaba oo laxaadkiisu dhan yähay oo awood u leh inuu si wacan u sameeyo jimicsiga cayaartu u baatian tahay;
 - t) Waa inayan da'diisu ka badnaan 40 sano;
 - j) Qof si fiican u cayaari yaqaan ugu yaraan 16 cayaarood oo ka mid ah kuwa hiddaha iyo dhaqanka Soomaaliyeed;
 - x) Qof jidh fudud iyo garasho dhow leh oo haddii cayaar la tuso degdeg ku qaban kara kuna jili kara (wuxuusan aqoon oo la tuso);
 - kh) Qof himmad iyo jacayl gaar ah u leh cayaaraha Hiddaha iyo Dhaqanka.
2. Cayaartooga heerka 2aad waainuu ahaado:
 - a) Qof karti u leh inuu bandhigo cayaarta uu yaqaani (heerka dhexe);
 - b) Qof si fiican u yaqaan ugu yaraan 7 cayaarood oo ka mid ah kuwa hiddaha iyo dhaqanka Soomaaliyeed.

3. Cayaartoyga heerka 3aad waa inuu ahaado:

- a) Qof karti u leh inuu bandhigo cayaarta uu yaqaan (heerka hoose);
- b) Qof si fiican u cayaari yaqaan ugu yaraan 5 cayaarood oo ka mid ah kuwa Hiddaha iyo Dhaqanka Soomaaliyeed.

Qodobka 16aad

Naqshadeeye

Naqshadeeyudu wuxuu noqonayaa heer keliya, shuurudihiisuna waa kiwa hoos ku qoran:

- b) Waa inuu ahaado qof shahaado ka sita dugsi la aqoonsan oo awood u leh inuu naqshadeeyo wax alla wixii ishiisu qabato, ama maskaxdiisu ku fekerto amase loo tilmaamo;
- b) Waa inuu ahaado qof shahaado ka sita dugsi la aqoon-yahay ee cilmiga naqshadaynta oo uu kala bixi karaa (xardhe, gacan ku sawire iwm.) ama u leh waaya-aragnimo aan ka yarayn 7 sano;
- t) Waa inuu ahaado qof soo bandhigi kara ugu yaraan 10 naqshadood oo uu sameeyey, meelmarna noqday.

Qodobka 17aad

Darajoyinka musharka iyo abaalgudka shaqada

1. Xagga musharka iyo abaalgudka heerarka shaqoojinka fannaanimada waxxaalagu dhaqan gelinayaa sidaan soo socota:

A)	Heeraka Koowaad	A6	1.000
	Heerka Labaad	B7	800
	Heerka Seddexaad	C9	600

A M A

B)	Heerka	Mushahar	Abaalgud (xirfo)	Wadar
1aad:		A9 600	400	1.000
—		B10 450	350	800
3aad:		C11 350	250	600

2. Heer kasta oo hooseeya ee ka mid ah heerarkaa waa loo dalacsiiinkaraa kan ka sareeya iyadoo la eegayo meelaha ka bannaan darajada sare, lana hubsanayo in uu qofka fannaanka ahi la yimid shuruudda u qoran heerka shaqada fannaanimada uu qaranka u qabto ee lagu caddeeyey xeerkana.

Qodobka 18aad

Raacid

Wixii uusan xeerkani caddayn ee ku saabsan arrimaha shaqaalaha Wakaaladda Golaha Murtida iyo Madadaaladda waxaa lagu dhaqayaa ni-daamka shaqaalaha dawladda u degsan.

Qodobka 19aad.

Awooda Xoghayaha Dawladda

Xoghayaha Dawladda ee Wasaaradda Warfaafinta iyo Hannuuninta Ummadda wuxuu awood u leeyahay in uu soo saaro awaamir lagu fulinayo, laguna faaleynayo xeerkana.

Qodobka 20aad

Dhaqan gelid

XEERKAN WUXUU DHAQAN GELAYAA TAARIikhda uu ku soo baxo Faafinta Rasmiga Ah ee Dawladda.

Muqdisho, 18 Dishembar 1975.

MADAXWEYNAHA
GOLAHA SARE EE KACAANKA
Jaalle S. Gaas Maxamed Siyaad Barre

Xoghayaha W. Warfaafinta iyo H. D.

Jaalle Cabdullahi Maxamed Xasan

Xoghayaha W. Maaliyadda
Jaalle Cabduraxmaan Nuur Xirsi

XEER L. 88 ee 11 Maarsa 1976.

Magacaabid Guddoomiyeyaal Degma.

HOGHAYAHA DAWLADDA

ASAGOO ARKAY Xaashida 1aad iyo tan 2aad ee Kacaanka 21ka Oktoobar 1969kii;

ASAGOO ARKAY Qodobka 1aad ee sharciga lambarkiisu yahay 52-72, soona baxay 8dii Juunyo 1972kii;

ASAGOO OGAADAY Baahida loo qabo in 100 magacaaboo Guddoomiyeyaal Degmooyinka Oodweyne, Baydhabo, Aadan Yabaal, Burulo Burti, Ceel Berde iyo Yeed.

WUXUU GOOYEY

Qodobka 1aad

Waxaa lagu magacaabay Saraakiisha magacyadoodu hoos ku qoran yihiin inay Guddoomiyeyaal ka noqdaan Degmooyinka Sarkaal walba ku hor qoran, marka laga billaabo taariikhda nin walba ku dhinaç dhigan.

1. Dhamme Kaamal Cumar Kooshin — Guddoomiye Degmada C. Berde — 23-12-1975;
2. Dhamme Axmed Aadan Yuusuf Gamadiid — Guddoomiye Degmada Yeed — 23-12-1975;
3. Jaalle Axmed Saciid Naaleeye — Guddoomiye Degmada Bulo Burti — 27-1-1976;
4. Kiddigle Xaaji Cabdi Rooble — Guddoomiye Degmada A. Yabaal — 27-1-1976;
5. Gaashaanle Maxamed Cali Xaashi — Guddomiye Degmada Baydhabo — 10-2-1976;
6. Jaalle Cali Faarax Wacays — Guddomiye Degmada Oodweyne — 29-2-1976.

Qodobka 2aad

Xeerkani wuxuu dhaqan gelayaa deg-deg waxaana lagu soo saari doonaa Faafinta Rasmiga ah ee Dawladda.

Muqdisho, 11 Maarsa 1976.

XOGHAYAHA DAWLADDA
ee Wasaaradda Arrimaha Gudaha
S. Gaas Jaamac Maxamed Qaalib

WAAN ARAGNAY EE DIIWAANGELINNAY

Diiwaanka lamb. 1, bogga lamb. 59.

Muqdisho, 20 Maarsa 1976.

Hantidhawraha Guud

G. Dhexe Cabdullahi Warsame Nuur

XEER L. 39 ee 8 Abril 1976.

Iskaashatada Faleenka « Gargaar ».

HOGHAYAHA DAWLADDA

ISAGOO ARKAY Go'aanka 1aad iyo kan 2aad ee Kacaanka 21 Oktoobar 1969;

ISAGOARKAY Sharciga Iambarkiisu yahay 40 ee Horumarinta Iskaashatooyinka Dalka Jamhuuriyadda Dimogaadiga Soomaaliya oo dhaqan galay 4-10-1973;

ISAGOO ARKAY Arjigii uu soo qoray Guddoomiyaha Iskaashatada Faleenka ee lagu magacaabo «GARGAAR» ee Tuulada Xiis, Degmada Ceerigaabo;

ISAGOO TIXGELINAAYA Taladii Guddiga Iskaashatooyinka ee Degmada Ceerigaabo iyo kan Gobolka Sanaag.

AMAR XEER

Qodobka 1aad

Iskaashatada Faleenka ee lagu magacaabo «GARGAAR», ee saldhigeedu yahay Tuulada Xiis, Degmada Ceerigaabo, shaqadeeduna tahay guritaanka iyo xannaanaynta Faleenka ku yaala Degmada Ceerigaabo, waxaa laga diiwaan geliyey Xafiiska Iskaashatooyinka ee Wasaaradda Ganacsiga, taaso waafaqsan qodobka 15aad ee Sharciga lambarkiisu yahay 40ka oo dhaqan galay 4-10-1973.

Qodobka 2aad

Marka laga bilaabo maalinta xeerkani lagu soo qoro Faafinta Rasmiga ah ee Dawladda, Iskaashatada Faleenka ee lagu magacaabo «GARGAAR» waxay yeelanysa aqoonsi gaar ah oo Sharci ku dhisan; xeer gaarkeeduna wuu dhaqan galayaa.

Muqdisho , 8 Abril 1976.

HOGHAYAHA DAWLADDA

Jaalle Axmed Maxamed Maxamuud

XEER L. 40 ee 8 Abril 1976.

Iskaashatada Faleenka «Bila».

HOGHAYAHA DAWLADDA

ISAGOO ARKAY Go'aanka 1aad iyo kan 2aad ee Kacaanka 21 Oktoobar 1969;

ISAGOO ARKAY Sharciga lambarkiisu yahay 40 ee Horumarinta Iskaashatooyinka Dalka Jamhuuriyadda Dimoqradiiga Soomaailya oo dhaqan galay 4-10-1973;

ISAGOO ARKAY Arjigii uu soo qoray Guddoomiyaha Iskaashatada Faleenka ee lagu magacaabo «BILA» ee Tuulada Gudmo, Degmada Ceerigaabo.

ISAGOO TIXGELINNAAYA Taladii Guddiga Iskaashatooyinka ee Degmada Ceerigaabo iyo kan Gobolka Sanaag.

AMAR XEER

Qodobka 1aad

Iskaashaaada Faleenka ee lgau magacaabo «BILA», ee saldhigeedu yahay Tuualada Gudmo, Degmada Ceerigaabo, shaqadeeduna tahay guriitaanka iyo xannaanaynta Faleenka ku yaala Degmada Ceerigaabo waxaa laga diiwaan geliyey Xafiiska Iskaashatooyinka ee Wasaaradda Ganacsiga, taaso waafaqsan qodobka 15aad ee Sharciga lambarkiisu yahay 40ka oo dhaqan galay 4-10-1973;

Qodobka 2aad

Marka laga bilaabo maalinta xeerkani lagu soo saaro Faafinta Rasmi-ga ah ee Dawladda, Iskaashatada Faleenka ee lagu magacaabo «BILA» waxay yeelanaysa aqoonси gaar ah oo Sharci ku dhisan; xeer gaafkeeduna wuu dhaqan galaya.

Muqdisho, 8 Abril 1976.

Jaalle Axmed Maxamed Maxamuud

HOGHAYAHA DAWLADDA

BOGGA SEDDAXAD

TALOOYIN ISGARSIIN OGEYSIIS IYO WIXII LA MID AH

WASAARADDA HAWLAHA GUUD

N A A D A D H U L

Waxaa la caddeynayaa in Jaalle Maxamed Axmed Colusooow, u usoe qortay arji qaybta Dhismaha iyo Dhulka Maalinti 19-8-1975, uu ku weydiisanayey dhul dhismo dowladeed kuna yaal Muqdisho xafadda Hawl-Wadag, oo leh qiyas Rettangolaar 19,70x5, kuna fadhiya 98,50 mdh.

Soohdin:

Waqooyi Waxaa ka Xiga; Maxamed Cali Weheliye.

Koofur Waxaa ka Xiga; Waddo.

Galbeed Waxaa ka Xiga; Dhulkii horay loo siiyay jaallaha asaga ah.

Bari Waxaa ka Xiga; Dhul Dad leeyahay.

Qofkiid dannaynayaa wuxuu si fiican uga arki karaa naqashadda dhulka oo taal Qaybta Dhismaha iyo Dhulka ee Wasaaradda Hawla Guud, dhulka waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga xeerka dawlaadda.

Muqdisho, 24 Maarsa 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(48)

WASAARADDA HAWLAHA GUUD

BEDDELAAD NAADO. DHUL

Waxaa la caddeynayaa in dhulkii uti soo weydiistay Jaalle Cabdulxa-miid Sheekh Cumar, maalintii 20-3-1975, loona ogolaaday oo ku yiil Muq-disho degmada Cabdulcasiis, Jidka Liido, uu iska beddelay cabbirkii hore oo qaabkiisu ahaa rektangolaar, addimihiisuna ahaayeen 60x6 kuna fadhiye 360 mdh., sababtoo ah in qaar laga roobay dhulka asaga ah.

Sidaas aawadeed naadadii hore oo lagu soo diray warqadda lambar-keedu ahaa WHG-3-23-4983 ee 20-10-1975 kana baxday xafiiskaan, waxay isu beddeshay sida hoos ku tilmaaman:

Rasmi ahaan dhulka haataar la siinkaro jaallahaas qaabkiisu waa trabeesiyo addimihiisu yihin $34+32 \times 9,30$, kuna fadhiya 306,90 soohdi-mihiisuna yihin sida soo socota:

Waqooyi waxaa ka xiga: Waddo caadiah.
Koofur waxaa ka xiga: Guryo dad leeyahay.
Galbeed waxaa ka xiga: Dhul Dowladeed.
Bari waxaa ka xiga: Waddo caadi ah.

Muqdisho, 29 Maarsa 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(49)

WASAARADDA HAWLAHA GUUD

N A A D A D H U L

Waxaa la caddeynayaa in Jaalle Maxamed Cartan Ismaciil, u usoo qortay arji qaybta Dhismahda iyo Dhulka taariikhidi markay ahayd 5 Dishesembar 1968, uu ku weydiisanayey dhul dhismo dowladeed kuna yaal Muqdisho xafadda Degmada Hodan 4 km., oo leh qiyas trabeesiodele $36+30 \times 20:2$ kunasfadhya 660 mdh.

Soothdin:

Waqooyi waxaa ka xiga: Waddo.
Koofur waxaa ka xiga: Wasaaradda Beeraha.
Galbeed waxaa ka xiga: Xuseen Faarax Warsame.
Bari waxaa ka xiga: Dhul dad leeyahay.

Qofkii dannaynayaa wuxuu si fiican uga arki karaa naqashadda dhulka oo taal Qaybta Dhismaha iyo Dhulka, ee Wasaaradda Hawla Ha Guud, dhulka waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga xeerka dawladda.

Muqdisho, 31 Maarsa 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(50)

WASAARADDA HAWLAHA GUUD

N A A D A D H U L

Waxaa la baddeynayaa in Jaalle Xuseen Axmed Ildab, uusoo qortay arji-qaybta iyo Dhulka aariikhdu markay ahayd 31/7/1975, uu ku wey-diisanayey dhul dhismordowlaadeed kunaryad. Muqdisho xafadda degmada Hedan 7 km., oo leh qiyas rektangolaar 28x26, kuna fadhiya 728 mdh.

Soothdin:

Waqooyi waxaa ka xiga: Waddo.

Koofur waxaa ka xiga: Waddo.

Galbeed waxaa ka xiga: Waddo.

Bari waxaa ka xiga: Dhul L. 59 K.

Qofkii dannaynayaa wuxuu si fiican uga arki karaa naqashadda dhulka oo taal Qaybta Dhisimaha iyo Dhulka ee Wasaaradda Hawla Ha Guud, dhulka waxaa laga doodi karaa muddo ku siman 30 (soddon), maal-mood, ee laga bilaabo maantii lugu naadshey buuga xeerka dawladda.

Muqdisho, 31 Maarsio 1976.

Maamulaha Qaybta Dhisimaha iyo Dhulka

Inj. Ibrahim Cige Maydhane

(51)

WASAARADDA HAWLAHA GUUD

N A A D A D H U L

Waxaa la caddeynayaa in Jaalle Guuleed Cilmi Samantar, u usoo qortay arji qaybta Dhismaha iyo Dhulka taariikhdu markay ahayd 23 Dishembar 1975, uu ku weydiisanayey dhul dhismo dowladeed kuna yaal Muqdisho Wardhiigley, oo leh qiyaas rektangolaar 24x13, kuna fadhiya 312 mdh.

Soohdin:

Waqooyi waxaa ka xiga: Waddo.

Koofur waxaa ka xiga: Waddada Ummadda.

Galbeed waxaa ka xiga: Waddada Shariif Calawi.

Bari waxaa ka xiga: Xasan Nuur Guuled.

Qofkii dannaynayaa wuxuu si fiican uga arki karaa naqashadda dhulka oo taal Qaybta Dhismaha iyo Dhulka ee Wasaaradda Hawlaха Guud, dhulka waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga xeerka dawladda.

Muqdishro, 31 Maارso 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(52)

WASAARADDA HAWLAHA GUUD

N A A D A D H U L

Waxaa la caddeynaya in Jaalle Xuseen Farax Warsame, u usoo qortay arji qaybta Dhismaha iyo Dhulka taariikhdu markay ahayd 17 Di-shembar 1968, uu ku weydiisanayey dhul dhismo dowladeed kuna yaal Muqdisho Degmada Hodan 4 km., oo leh qiyas Trabeeziodale $42 + 36 \times 2$. kuna fadhiya 780 mdh.

Soohdin:

Waqooyi waxaa ka xiga: Waddo.

Koofur waxaa ka xiga: Wasaaradda Beeraha;

Galbeed waxaa ka xiga: Mahdi Cabdi Cali.

Bari waxaa ka xiga: Maxamed Cartan Ismaciil, Gal Lamb. 2422-68. Qofkii dannaynaya wuxuu si fiican uga arki karaa naqashadha dhulka oo taal Qaybta Dhismaha iyo Dhulka ee Wasaaradda Hawla-ha Guud, dhulka waxaa laga doodi karaa muddo ku siman 30 (soddon) maal-mood, ee laga bilaabo maantii lugu naadshey buuga xeerka dawladda.

Muqdisho, 31 Maarsa 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(53)

WASAARADDA HAWLAHA GUUD

N A A D A D H U L

Waxaa la caddeynayaa in Jaalle Cali Yuusuf Axmed, u usoo qortay tarji qaybta Dhismaha iyo Dhulka taariikhdu markay ahayd 26-8-1975, uu ku weydiisanayey dhul dhismo dowladeed kuna yaal Muqdisho xafadda Wardhiigley, oo leh qiyas trabesiyo 38+42x20:2, kuna faadhiya 800 m².

Soothin:

Waqooyi waxaa ka xiga: Waddo.

Koofur waxaa ka xiga: Waddo.

Galbeed waxaa ka xiga: G. L. 13-75.

Bari waxa ka xiga: G. L. 151-74.

Qofkii dammaynayaa wuxuu si fiican uga karaa naqashadda dhulka oo taal Qaybta Dhismaha iyo Dhuuka ee Wasaaradda Hawlaха Guud, dhulkaa waxaa laga doodi karaa muddo ku siman 30 (soddon) malinood, ee laga bilaabo maantii lugu naadshey buuga xeerka dawlaadda.

Muqdisho, 31 Maarsio 1976.

Maamulaha Qaybta Dhismaha iyo Dhulka

Inj. Ibrahim Cige Maydhane

(54)

MAXKAMADDA DEGMADA QARDHO

Haddaan arkay warqadii dacwadda ee uu soo qortay Jaalle Axmed Saciid, Maxkamaddu markay aragtay däcalkii aseenyada Lamb. 11546 tiiriikh. 18-3-1976 ee ay ku qornayd lacag dhäh Sh. So. 1727 (kun iyo todoba boqol iyo labaatan iyo todoba iyo laba kumi).

Kuna dhuntay degmada Qardho gudaheeda kuna qormayd Maxamed Faarax Cali, Maxkamadda markay aragtay qodobka 69 digereetada lajislatiifo ee 9-9-1965 L. 2.

Waxay amraysaa inaan la aqoonsankarin aseenyada Lamb. kor ku qoran yahay uuna ku qoran yahay Jaalle, Maxamed Faarax Cali ee ah, Sh. So. 1727,20. Maxkamaddu waxay ogolaatay in loo celiyo lacagtaas Jaalle Axmed Saciid Muuse ee horay uu ugu sameeyey, Jaalle Maxamed Faarax Cali Amase loo cusbooneysiyo markay dhamaaao sodon beri laga soo bilaabo maanta lagu qoro digereetada faafinta rasmiga ah, ee sharciga isla markaas waxaa la amraaya Jaalle Axmed Saciid Muuse in uu geliyo faafinta sharciga ah.

Bixiyaana kharashka faafinta waxaan amrayna bangiga ganacsiga ummadda laanta degmada Qrdho in ay ku dhejiyaan derbiga digereetaan, xafiisyada muuddfah, sodon beri; Qordho 21 Maarsio 1976.

Gudeomiyaha Maxkamadda Degmada

Dr. Cali Maxamed Guuleed

(55)

SHIRKADDA NUCLEARE SOMALA S.p.A.

Maalika astasiga u ah Shirkadda dhammaannu lagu shubay Sh. So. 1.000.000 eu dhigan Maxkamda Muqdisho Lamb. 796 Bugga Shirkadda Saldhigeedu yahay Muqdisho.

OGEYSIIS ISUGU YEERID AH

Waxaa la ogeysiinayaa dadka ku jira ururka guud cadiga, ay isuku imanayaan maalinta 23 Abril 1976 marka saacadu tahay 10 subaxnima fadhigaaso lagu qaban doono Xaruunta Xafiisyadda ENI, sarta 1° ku taal San Donato Milanese (Italiä) ee marka labaad maalinta 28 Abril 1976 sacadu iyo meesha lagu qaban doono ee yihiin sida fadhiga kowaad, si looga hadlo waxyaalaha hoos ku yaala:

AJENDADA MAALINTA AH.

1. — Warbixinta guddiga maamula iyo hanti dhowrka.

2. — Go'aankii Misaaniyadda Sannadka 1975.

Waxaa ka soo qeybgelikara dadka kù jira shirkadda oo xaq u leh sida sharciga u qoran uu qabo.

Muqdisho, 1 Abril 1976.

GUDDOOMIYAH

Ing. Emilio Pacchiarotti

(56)

SOCIETA' NUCLEARE SOMALA S.p.A.

Capitale Sociale Sh. So. 1.000.000 — Iscritta al Tribunale di Mogadiscio
N. 796 Registro Sociale Mogadiscio

AVVISO DI CONVOCAZIONE ASSEMBLEA

I Signori Azionisti sono invitati a partecipare all'assemblea Generale Ordinaria che si terrà il giorno 23 Aprile 1976 alle ore 10 presso gli Uffici ENI, 1° Palazzo in San Donato Milanese (Italia) e, occorrendo, in seconda convocazione il giorno 28 Aprile 1976 alla stessa ora e luogo per discutere e deliberare sul seguente:

ORDINE DEL GIORNO

1. — Relazione del Consiglio di Amministrazione e del Collegio Sindacale.

2. — Bilancio al 31 Dicembre 1975 e deliberazioni relative.

Possono intervenire gli azionisti che hanno diritto al voto ai termini dello Statuto Sociale.

Mogadiscio, 1 Aprile 1976.

IL PRESIDENTE

Ing. Emilio Pacchiarotti

(56)